



Për: Mediat e shkruara dhe elektronike
Nga: Departamenti për Marrëdhënie me Publikun dhe Informim
Subjekti: Njoftim

Prishtinë, 18 prill 2008

Njoftim

Kryetari i Aleancës Kosova e RE, z. Behgjet Pacolli, ka reaguar në lidhje me Librin e Karla Del Pontes me titull: “GJUETIA, UNË DHE KRIMINELET”.

Behgjet Pacolli dje dhe sot ishte në qendër të vëmendjes së medieeve, në veçanti atyre zvicerane, sepse kishte kërkuar që ky libër të tërhiqet nga tregu me arsyetimin se ai ofron shumë dezinformata dhe shpifje.

Z. Behgjet Pacolli ka iniciuar një procedurë gjyqësore kundër librit të Karla del Pontes, duke kërkuar që menjëherë të ndërpritet shitja dhe shpërndarja e tij.

Mediat zvicerane duke cituar Behgjet Pacollin janë shprehur se ky libër fyen rëndë ndjenjat e shqiptarëve, fyen rëndë moralin e luftës së Ushtrisë Çlirimtar të Kosovës dhe në këtë mënyrë del Ponte përmes këtij libri mundohet të njollosë luftën e drejtë të popullit të Kosovës. ”Ky libër ofron vetëm gënjeshtria dhe shpifje”- ka thënë Behgjet Pacolli në njërën nga gazetatat zvicerane.

Ndër titujt e këtyre gazetave janë “Edhe Behgjet Pacolli kundër Karla Del Pontes”, “Behgjet Pacolli kundër librit të Karla del Pontes”, “Behgjet Pacolli sulmon Karla del Ponten” etj.

Z. Pacolli është shprehur se në librin e saj, Del Ponte, ka atakuar shume thellë moralin dhe ndjenjat e UÇK-së, duke i trajtuar ata kriminel të luftës dhe trafikantë të organeve njerëzore, ka fyer rëndë edhe familjet e dëshmorëve dhe invalidët e luftës, të cilët dhanë gjithçka për lirinë e vendit të tyre dhe për të mbrojtur popullin e pafajshëm të Kosovës, derisa makineria serbe i dëbonte me dhunë nga Kosova – thuhet në gazetën “Corriere del Ticino”, duke komentuar deklaratat e z. Pacollit.

z. Behgjet Pacolli, ditëve te fundit ia përkushtoj gjithë kohën mundësisë së tërheqjes së këtij libri nga tregu. Ai ka angazhuar dy zyra të avokatëve ndërkombëtarë për të shqyrtuar të gjitha mundësitë ligjore për ndalimin e shpërndarjes së këtij libri dhe dërgimin sa më të shpejtë të ish prokurores së Tribunalit të Hagës Karla del Ponte para drejtësisë, për të dhënë llogari për akuzat e pabaza. Në një intervistë për një televizion Zviceran z. Behgjet Pacolli u zotua se do të përdor çdo rrugë legale që edhe në këtë rast e drejta të triumfojë. Ne pyetjen se mos është hakmarrje personale e juaja, Pacolli iu përgjigj se po të kishte qenë një akuzë në mua unë do ta kisha tejkalu ose do të isha mbrojt me shume dinjitet kundër saj, por këtu behet fjalë për një popull dhe për vlerat e luftës së UÇK-së – ka thënë z. Behgjet Pacolli.

Karla Del Ponte ne vitet 1999 një muaj para bombardimeve në Kosovë është munduar vite me radhe që Behgjet Pacollin ta sjell në bankën e të akuzuarve, por nuk ia arriti. Në të njëjtën mënyrë ajo keqpërdori imunitetin e sajë për të shpifur dhe dezinformuar duke ngritur akuza të pa baza në adresë të z. Behgjet Pacollit.

Zyra për Informim e AKR-së